

共法數

十八

菩薩善戒經卷第五

賢五

販易上方反音亦熏鉢上兄反縫衣浣濯上音浣濯社
上青濁下反音亦沮壞上十反鑿磨上糾雹雨上蒲反亢旱
浪反失暗下音娉娶上定反解析力反解析力下星反鹿續俱

猛無翳下一計反此皆毀紫上音

者他供養七者利益供養八者最勝供養九者清淨供養十者受持供養

供養色身者菩薩摩訶薩若見佛色身而供養之是名供養色身
供養塔者若菩薩摩訶薩爲如來故造作塔廟形像龕窟修治已壞朽故之塔若見新塔華香供養是名供養塔

現見供養者菩薩摩訶薩若現見如來形像時如見此佛見十方佛亦復如是是名現見供養

不現見供養者菩薩摩訶薩若供養現在諸佛及佛塔廟得信解心我今現見作是供養亦得供養過去未來佛何以故一切如來同一法性故以是故則得供養去來諸佛若我供養現在佛塔亦得供養去來佛塔何以故如是諸塔同一法性故若供養一佛則已供養十方諸佛若供養一塔則已供養十方佛塔造作龕窟補治故塔供養塔時亦復如是

菩薩善戒經卷第六

賢六

劉宋罽賓三藏法師求那跋摩等譯

菩薩地供養三寶品第十七

是名不現見供養又復不現見供養者若不見佛不見佛塔心想念言此是如來此是佛塔一切佛一切塔一切窟一切像亦復如是是名不現見供養復有不現見供養者若菩薩佛涅槃後爲如來故建立塔廟造作龕窟若一若二乃至無量隨力能作是名不現見供養如是無量福德果報攝取無量梵福德果菩薩摩訶薩以是因緣於無量劫不墮惡趣亦能莊嚴菩薩之道菩薩摩訶薩不現見三寶而設供養勝於現見供養之者不可稱量不可爲比所得果報不可宣說愚癡之人現見之後而設供養智慧之人雖不現見而能供養是名不現見供養自作供養者善薩摩訶薩若供養佛及供養塔手自經理不令他作是名自供養他供養者若佛若塔欲供養時聚集多人和合共作非獨自作多人者所謂父母妻子宗親眷屬僮僕若王大臣婆羅門長者隣比知

識內人外人男女貧富受苦受樂若師和尚若同師同和尚若同住同法同學同國同名同姓乃至邪見及旃陀羅是名他供養復有他供養者菩薩摩訶薩若財富自在以慈悲心惠施衆生臨施之時作是願言衆生貧苦渺於福德今受施已我當勸令供養三寶以是供養三寶因緣破壞貧窮多獲福德作是願已惠施衆生施衆生已教令供養佛法僧寶是名他供養

利益供養者菩薩若於佛及佛塔奉施衣服飲食卧具醫藥房舍恭敬禮拜復以種種雜華塗香末香散香妓樂旛蓋燈明供養又歎如來無量功德五體投地右遶三匝至無量匝兼復奉獻金銀琉璃頗梨珂貝碑礫馬瑙及身瓔珞鍾鈴之屬乃至一錢一綻一銖是名菩薩利益供養

最勝供養者菩薩若於佛及佛塔所設供養利益供養常恒供養好物供養現見供養不

現見供養自供養他供養至心供養喜心供
養至心忍樂供養三寶以如是等供養迴向
阿耨多羅三藐三菩提是名最勝供養

清淨供養者菩薩若於佛及佛塔手自供養
非以橋慢輕賤心故令他執作無有放逸勤
心精進至心淨心非爲國主生信敬故非以

賢六

二

當得國王大臣長者居士所供養故非以自
顯已之功德而供養也所作形像不以雌黃
雜子羅差膠油酥等油酥塗地不燒膠香葉
香供養頗迦華等亦不供養一切臭華雖有
好色亦不供養乃至種種臭穢之物不以供
養離如是等諸供養者是名清淨供養

受持供養者菩薩若於佛及佛塔若自出財
若從他求若作像若作塔若一若二若乃至
百千無量萬億一一塔中一一像前恭敬禮
拜以好華香妙樂燈明瓊瑤塔蓋而供養之
亦不以此供養因緣故求阿耨多羅三藐三
菩提求於佛道何以故菩薩摩訶薩住不退

地故菩薩住是不退地已於諸佛土受身不
礙菩薩摩訶薩不自出財不求他財作是願
言若聞浮提所有衆生有能供養佛法僧寶
從四天下乃至三千大千世界十方無量無
邊世界所有衆生以上中下供養三寶我當
至心隨其歡喜復作是願以是因緣令諸衆
生悉得成就阿耨多羅三藐三菩提是名菩
薩莊嚴無上菩提之道是名如法作供養菩
薩摩訶薩修習慈心如殼牛頃悲喜捨心亦
復如是一切有爲無常無我無樂無淨深勸
涅槃功德微妙念佛法僧施戒天等乃至不
見法界之中有微分相可得宣說至心趣行
六波羅蜜以四攝法攝取衆生是名如法作
供養若有比丘常樂喜見恭敬供養金塔金
像銀塔銀像頗黎真珠碑磲瑪瑙璧玉塔像
不喜樂見供養恭敬泥木塔像當知是人不
名如法作供養是如法作供養名無上供養
無勝供養最上供養如是供養勝諸供養能

得無量無勝之果菩薩摩訶薩供養三寶爲六事故一者福田無勝故二者知恩報恩故三者勝於一切一足二足多足無足故四者難遇如優曇鉢華故五者無師和尚自然得成阿耨多羅三藐三菩提故六者能令衆生獲得壯樂出世樂因故法僧亦爾菩薩欲受

賢六

四

菩薩戒時當觀和尚若具八法乃從受戒一者具足優婆塞戒沙彌戒大比丘戒二者善能觀察持戒毀戒相貌三者得舍摩他毗婆舍那四者慈心憐愍一切五者能捨己樂以施衆生六者無畏七者不說非法不聽非法說非法者呵責諫喻能忍一切皆毀打罵惱害等苦貪瞋癡等毀禁之人及懈怠者處衆說法不辭疲勞不謬解義亦不誤說發言柔軟初不麁獷常念衆生欲令安樂有疑輒請不懷恥辱善知方便教化衆生知諸衆生煩惱對治於諸衆生其心平等無有貴賤尊卑之異六根具足威儀庠序不信謙言細行淨

有具足如是法者任爲和尚菩薩摩訶薩既受戒已和尚若病應爲給使若不病者應隨教作應生虔重恭敬之心迎送禮拜立侍左右奉施衣食卧具醫藥隨順法語隨法而作無有動轉隨所犯罪成實而說若聽法時作佛想法想比丘僧想難想眼想大智因想大

賢六

五

光明想得大果報想是大涅槃無上道因想得常樂想得舍摩他毗婆舍那想如是想者即是真實法想是名具足聽法功德又聽法時應至心聽信心聽不應念言我今不應從破戒者斯下種姓根不具足不正語者弊性之人而問法也離如是念至心聽法菩薩摩

行不自矜高輕慢於人不爲利養外現詭曲慘除貪妬慳惜之心若自得利先推他人其心常一無有放逸見他得利歡喜如已知足少欲唯畜六物六物之外隨得隨施恒勸前人隨犯發露爲示憶念善知悔法善能贍養病苦之人終不宣說聲聞法藏菩薩藏過若

訶薩受菩薩戒有二種一者智二者愚若作如上思惟觀者是名愚癡不增善法不得大智菩薩修習四無量心慈悲喜捨四無量心有三種一者衆生緣二者法緣三者無緣衆生緣者菩薩摩訶薩修習慈心諦觀一切三聚衆生一者受樂二者受苦三者受不苦不樂菩薩摩訶薩修習慈心觀受樂者令其增長觀苦衆生滅苦生樂觀不苦不樂者斷除苦樂令得涅槃是名衆生緣法緣者菩薩摩訶薩准觀法相不作衆生相若我修慈無衆生者誰得離苦誰得受樂是名法緣無緣者捨衆生相反以法相增長慈心是名無緣如慈餘三無量亦復如是菩薩摩訶薩若因衆生修無量心當知是心不異外道亦與聲聞辟支佛共菩薩摩訶薩四無量心合則爲悲是故菩薩名爲大悲菩薩觀察受苦衆生有一百一十爲除是苦修習大悲何等百一十一種生苦復有二種一者求不得苦二者得已

失苦復有三種一者苦苦二者行苦三者壞苦復有四種一者愛別離苦二者怨憎會苦三者死苦四者五陰盛苦復有五種一者欲因緣苦二者瞋因緣苦三者睡眠因緣苦四者掉悔因緣苦五者疑因緣苦復有六種一者惡道因緣苦二者惡道果苦三者多求苦四者守護苦五者得無獸苦六者失苦復有七種一者生苦二者老苦三者病苦四者死苦五者愛別離苦六者怨憎會苦七者求不得苦復有八種一者寒苦二者熱苦三者飢苦四者渴苦五者不得自在苦六者自作苦如尼捷子七者他作苦如王事等八者父戚儀苦復有九種一者身貧窮苦二者他貧窮苦三者親愛壞苦四者失財物苦五者病苦六者破戒苦七者邪見苦八者現在苦九者他世苦復有十種一者有食無器苦二者步涉無乘苦三者求諸瓔珞華香不得苦四者求覓妓樂遊戲不得苦五者求於光明不得

苦六者求給使人不得苦七者求漿不得苦八者求衣不得苦九者得不用苦十者見來求苦復有九種一者一切苦二者大苦三者一切自苦四者不如法住苦五者轉苦六者不得自在苦七者害苦八者隨逐苦九者一切行苦一切苦者由往昔因得現在苦大苦者如諸衆生無量世中受地獄苦一切自苦者如地獄畜生餓鬼人天中苦不如法住苦者如作謀議欲害於他事不成就反受其禍如貪飲食後受大苦如念貪欲瞋恚癡苦因身口意惡業受苦如因毀戒受於憂苦轉苦者如現在王身轉至他世爲奴僕苦如現父母兄弟妻子轉至他世爲怨憎苦如現在巨富轉至他世受貧窮苦不得自在苦者如欲得長命欲得端正欲得上族欲得富貴欲得身力欲得智慧欲除怨敵不得如意苦害苦者如世中人求破貧窮不能破苦出家之人求壞煩惱不能壞苦如事難苦兵革起苦

行曠路苦截手腳苦閉繫打縛苦驅儻出外苦一切行苦者因苦受苦離樂受苦一切諸受未斷故苦不能出家苦不能寂靜苦不得菩提苦多生思覺苦凡夫苦四大苦三界苦煩惱苦是名百一十苦菩薩觀察如是等苦增長大悲如是大苦因十八種而得增長何等十八一者愚癡苦二者受果報苦三者行苦四者常苦五者生苦六者自作苦七者他作苦八者破戒苦九者邪見苦十者過世苦十一者大苦十二者地獄苦十三者入天苦十四者轉苦十五者受苦十六者不知苦十七者增長苦十八者懈怠苦菩薩常以四事因緣名爲大悲一者諦觀衆生受苦因緣甚深難解二者無量世中修習三者至心修習四者以至心故爲於衆生不惜身命以是四事因緣故能爲衆生勞謙忍苦受於苦身是故菩薩名淨大悲淨大悲者名如來地菩薩摩訶薩觀是百一十事一切菩薩皆悉修習

爲衆生故增長大悲如是菩薩能觀衆生及以法相生於大悲不能觀察無緣之相生於大悲是故不得名爲大悲如來能具如是三種故名大悲菩薩修習大悲故得身寂靜得心寂靜以是身心寂靜因緣故能破衆生所有煩惱住於淨地一子之地於諸衆生愛之

如子以大悲因緣故爲諸衆生勤行苦行心無悔退如聲聞道悟四諦時受無漏樂菩薩修悲亦復如是菩薩修悲但爲衆生不爲自身修悲因緣菩薩乃至不惜身命及外財物修悲因緣捨身受身終不毀失如來禁戒難得三昧即能得之難得智慧即能得之是故如來於經中說菩薩阿耨多羅三藐三菩提住在何處當言住於大悲無量無邊不可稱計故名大悲菩薩修習是無量心得現在樂能令衆生遠離苦惱得無量無上功德之聚莊嚴阿耨多羅三藐三菩提

菩薩地三十七助道品第十八

賢六

八

云何名爲菩薩摩訶薩慚愧慚愧有二種一者性二者因緣性者菩薩摩訶薩自知所作非法怖畏惡報而生慚愧因緣者菩薩若於自所作惡恐人知故而生慚愧性慚愧者非因緣得如菩薩性菩薩修慚愧者從因緣得如八正道因緣慚愧有四種一者不應作而作生於慚愧二者應作不作生於慚愧三者心自生疑而生慚愧四者於覆藏罪恐他知故而生慚愧云何名爲菩提薩埵薩埵者名爲勇健無所畏懼菩薩之性性有健力以性健故能調煩惱不墮其心能忍衆苦種種恐怖雖有恐怖不能傾動菩薩所有善法莊嚴是名性勇健力是故名爲菩提薩埵菩薩性勇健力有五因緣一者種種生死苦二者衆生種種行諸惡業三者於無量壯利益衆生受無量苦四者至以堅持菩薩禁戒五者至心聽受深法菩薩摩訶薩有五因緣爲諸衆生受大苦切心無愁惱一者有大勇健力故

二者修習無愁故三勤者善方便健精進故四者智慧力健故五者專念修悲心故云何菩薩解世書籍菩薩善知世間方術知字知句知辭知義心口和合專念受持是名菩薩知法知義知法知義故能爲他說以說因緣故法智義智而得增長是名聞慧思慧以是

賢六

九

聞思慧因緣故助菩提法而得增長云何名爲菩薩知世有二種一者衆生世二者器世蓋菩薩摩訶薩觀衆生世是故經說世間苦行受於生死不知生死不得解脫如來善知衆生世間是故經說衆生有五濁一者命濁二者衆生濁三者煩惱濁四者見濁五者劫濁如今人壽不滿百年是名命濁如今衆生不能孝養父母師長和尚沙門婆羅門等不隨義行不畏現在及未來世不樂惠施不喜福德不樂受齋持戒精進是名衆生濁如今衆生因煩惱故殺害父母於母姊妹及餘親屬強作非法爲與衆生作惡因緣受畜弓箭

刀杖牟槃多有衆生妄語兩舌惡口無義語有如是等無量諸惡不善煩惱起時是名煩惱濁如今衆生非法見法法見非法非法說法法說非法以是說故破壞正法增長邪法無量衆生修習邪見是名見濁如惡時衆生有三種內惡劫起一者饑饉內劫二者疫病內劫三者刀兵內劫是名劫濁是名菩薩知衆生世間復次菩薩知器世間菩薩善知器世成壞因緣是故經說迦旃延如來善知世間知世間因知世間滅知世間道知世間味知世間苦知世間解脫迦旃延六入五陰及四大等名爲人身以人身故隨世作相名之爲我名爲衆生名爲壽命名爲士夫名爲某甲如是名字性無真實因煩惱故衆生說言我見我聞我知見聞知者亦無真實流布如是名姓飲食受苦受樂長壽短壽是名流布流布者名爲相不名真實如來善知衆生世間器世間故名如來善知世間菩薩若見於

已年長福德勝者應起奉迎禮拜問訊安施牀座若見年德與已等者先意問訊謙下軟語執手共坐不生嬌慢我勝於彼若見年德於已少者先意軟語勸以福德教行善法心不輕慢設其有罪終不譏刺隨所須物任以給施菩薩悉於上中下衆生先意軟語善法

賢六

十

教化以食以法而攝取之身口意業善思惟等悉向衆生常作是念願我莫與一切衆生作惡因緣於諸衆生不作怨想常生親想無瞋恚心設有瞋者不以在意若他瞋打當觀法界身口意業常自疑重具足十四事所謂六方便四惡知識四善知識如善生經說常能利益今出後世能求財物得已能護營生富足能作福德不貪不憚不作幻術誑惑世人持戒慚愧有人寄付不令生疑衆生見者如見真實常近善友治國理民勸以十善見則言見聞則言聞覺則言覺知則言知是故菩薩名知世間云何名爲菩薩學四依菩薩

依義不依於字菩薩聽法不爲依字唯爲依義菩薩摩訶薩依法不依人知法非法知如是法是佛所說是長老說是衆僧說若是非法雖聞佛說心不生信復有是法非佛所說非長老說非衆僧說雖非佛說長老僧說是法相者聞則信受菩薩摩訶薩依了義經不

依不了義經依了義者不可動不可移了義經者不生疑心菩薩若於了義經中生疑心者則可移動茲菩薩依智不依識何以故修智慧者名淨智故是故菩薩解甚深義雖於深義未得解了終不生謗是名菩薩成就四依菩薩成就如是四依了了誰知世道出世道

賢六

十一

菩薩復有四道以四道故知一切法界得無礙智四道者即是四無礙智知一切法界名法無礙智若知一切法性無礙智無顛倒智名義無礙智菩薩若知一切諸法種種名字名辭無礙智菩薩若知一切法界一切法名一切法義說不可盡名樂說無礙智菩薩具

足四無礙智知陰入界方便十二因緣方便是處非處方便菩薩具足四無礙智了了自知菩提之道復能爲人分別廣說云何名爲莊嚴菩提莊嚴菩提有二種一者功德莊嚴二者智慧莊嚴如自利利他品中說菩薩若在初阿僧祇劫修習如是二莊嚴者名下莊嚴在第二阿僧祇劫修名中莊嚴在第三阿僧祇劫修名上莊嚴云何菩薩修習三十七品菩薩具足四無礙智得方便智以方便智故修習三十七品亦未得證阿耨多羅三藐三菩提亦知二乘所修道品知二乘者如初品說云何名知菩薩所修三十七品菩薩觀身循身觀作是觀時不著身相不作空相亦知是身不可宣說是名觀身第一義爲流布故說名爲身如身餘三十六品亦如是菩薩摩訶薩觀是身時不作苦不作集不作滅不能如是知苦集滅道是名第一義修習三十

七品爲流布故說苦集滅道菩薩若知不以覺觀觀三十七品是名舍摩他菩薩若知法界真實不可宣說是名毗婆舍那菩薩舍摩他有四種一者第一義舍摩他二者期舍摩他三者真實舍摩他四者離煩惱怨舍摩他菩薩具足四舍摩他知一切法界爲阿耨多羅三藐三菩提故菩薩毗婆舍那有四種一者共四種舍摩他行二者遠離顛倒三者分別無量法界四者知法界無礙菩薩修習是四種毗婆舍那爲阿耨多羅三藐三菩提故云何名爲菩薩摩訶薩善方便方便者有十二種內六種外六種內六種者菩薩常於一切衆生起大悲心真實了知一切諸行常樂繫念阿耨多羅三藐三菩提樂爲衆生轉於生死真知煩惱不壞煩惱爲阿耨多羅三藐三菩提勤修精進是名內方便外六種者能令少施得無量福有功德者能令增長懷佛法者能令生信已有信者能令增長未淳

賢六

十二

孰者能令淳熟已淳熟者能令解脫是名外方便云何少施得無量福若有衆生於菩薩所聞說法已以一把食施於餓狗施物既少福田又薄以能迴向菩提道故所得福報不可稱量有德增長者若有衆生先受八齋菩薩復爲分別解說教令迴向無上菩提若有

衆生深著邪見一月不食晝斷夜食菩薩即爲講宣正法破其邪心教令受持八戒齋法菩薩爲破苦不善齋教令受持善法齋戒若有衆生欲求解脫不知方便菩薩爲說中道實義離於二邊若有衆生欲得天身授淵赴火菩薩爲破如是現苦爲說持戒現世受樂後受天身若有衆生爲寂靜故讀誦解說四毗陀典菩薩即以十二部經教令分別思惟其義復次菩薩以止所有上妙香華供養三寶亦教衆生復令供養自向十方無量諸佛發願供養亦教衆生向十方佛發願供養復次菩薩常修念佛乃至念天亦教衆生令修

六念復次菩薩身口善業若多若少悉施衆生亦以是法教化衆生復次菩薩常作是願一切衆生所有苦事悉集我身莫令他受亦以此法轉教衆生復次菩薩若有過去現在非罪悉向十方諸佛懺悔亦以此法教衆生行復次菩薩自能修習四無量心亦教衆生行四無量心有功德者能令增長壞佛法人能令生信已生信者能令增長未淳熟者能令淳熟已淳熟者令得解脫菩薩摩訶薩爲是四法修習六事一者隨他二者無障三者不動四者心相似五者報恩六者清淨隨他者菩薩若爲衆生說法先以軟語隨彼心語隨身口意任力惠施令彼恭敬生歡喜之心樂法之心然後爲說隨諸衆生上中下根說易解法時節說次第說不顛倒說利益說憐愍說若須神通應感化度爲示神足略能說廣廣能說略能破疑網施其憶念能廣分別出入定處若有衆生不解如來甚深空義即

爲開示分別演說若有衆生誹謗方等大乘經典即爲說法令其調伏若有衆生作如是言如來所說無一切法無一切物一切諸法無生無滅猶如虛空如幻如夢如熱時焰乾闍婆城如水中月如呼聲響以是不解法性因緣故生於怖畏生怖畏故而生誹謗言非佛經是邪見說菩薩摩訶薩善巧方便漸漸爲開修多羅義隨意而言非一切法無以一切法不可說故名爲無法以不可說可說性無所有故名爲無物若初無不可說無不可說性云何可說有生有滅是故說名無生無滅若無生滅即名虛空如虛空中有無量色有無量業諸色諸業無有障礙所謂行住屈伸俯仰若無如是諸色諸業名虛空者是則虛空不可宣說若因虛空有諸色諸業可宣說者不得說言虛空之性不可宣說若彼虛空不可說者諸色諸業云何可說菩薩摩訶薩得聖智已乃知法界不可宣說爾時菩薩

破壞邪相言一切法有一切法可說菩薩初以如是聖智教於衆生衆生得已自見法性不可宣說猶如虛空是故如來說一切法同於虛空如幻性相非有非無聖人亦說非有非無幻若定有以何因緣有時可見有時不可見若定無者云何令人見種種相實無之法不應生相一切法界亦復如是於諸凡夫說有名相有名相故不得言無第義性不可說故不得言有是故法界如幻有二是故菩薩於諸法界不取不捨不增不減實則知實亦說是實是名菩薩善隨方便無障者菩薩摩訶薩見來求者作如是言善男子汝今若能供養三寶父母師長沙門婆羅門者所須之物若衣若食牀卧病藥華香瓔珞齋蓋妓樂田宅屋舍僕使乘用資生之物悉當與汝若有衆生恐怖畏憂懼菩薩語言汝今若能供養三寶乃至婆羅門者我當給汝衣食所須乃至一切資生之具亦當救汝憂懼之

事若有病者亦復語言汝今若能供養三寶乃至婆羅門者我當爲汝求覓良醫看病好藥衣食乃至資生之具令汝病愈如是衆生若能信受菩薩語者菩薩當作種種方便必令如意若不受者菩薩爾時則修捨心若有信受菩薩不爲稱意作者得罪菩薩先教供

賢六

十五

養三寶父母師長持戒精進爲調令得阿耨多羅三藐三菩提若先受語後不受者以憐愍故則現瞋呵非實惡心若不施物不爲作使非實嫌恨爲調伏故是名無障不動心相似者菩薩若得自在之身若王大臣多有眷屬先唱是言若我境內及家中人其有不能

供養三寶父母師長沙門婆羅門毀戒懈怠我當斷其衣服飲食打罵繫縛閉之牢獄若殺若擯囑付大臣使令鑒察知誰持戒知誰毀戒誰能供養父母三寶誰不供養父母三寶爾時衆生以怖畏故遠離諸惡修習善法似菩薩心是名相似方便報恩者菩薩若受檀越衣服飲食卧具病藥房舍若多若少或遭恐怖有人救解或遭病苦有療治者或聞說法破壞疑心菩薩摩訶薩以念恩故悉教是等行於善法是名報恩菩薩說法衆生聞已即能供養三寶父母師長沙門婆羅門等持戒精進是名報恩寂靜者菩薩摩訶薩安住畢竟菩提地中修習寂靜菩提之道生兜術天當知不久下闍浮提得阿耨多羅三藐三菩提衆生聞已悉發願言如是菩薩成佛之時我等當於是佛法中出家學道爾時菩薩下闍浮提託生刹利婆羅門家爲衆生故捨五欲樂出家學道修行苦行為苦行者生於恭敬破苦心故修苦行已得阿耨多羅三藐三菩提壞聲聞緣覺菩提心故既成道已嚙然而住釋梵天王來勸請故梵天聲請爲令衆生於正法中生尊重故爾時世尊即以佛眼觀諸衆生然後說法佛眼觀者爲破惡名故所謂衆生說言如來但爲梵王勸請非

爲憐愍若以佛眼觀於衆生轉法輪者爲破

衆生邪惡輪故轉法輪已集衆制戒爲令衆

生得解脫故是名菩薩寂靜方便爲令衆生

得信心故未入佛法者令得入故未熟衆生
令得熟故已熟衆生得解脫故

十六

賢六

菩薩善戒經卷第六

龕窟上苦下含反竈息淺綻思箭反雌黃上七斯反膠油文上音穀牛頃上古候反牛乳璧玉上必讒言上助言反也下傾領反璧玉亦反讒作嘶斯沒及幾也掉悔上徒反遨戲上吾高反斯下正

舌循身上音投淵下烏反

以念力故得大智慧大智力故知諸法界言辭字句堅心受持經無量也無有忘失義陀羅尼者如法陀羅尼隨順解義於無量也受持不忘辭陀羅尼者菩薩摩訶薩爲破衆生種種惡故受持神呪讀誦通利利益衆生爲呪術故受持五法一者不食肉二者不飲酒三者不食五辛四者不婬五者不淨之家不在中食菩薩具足如是五法能大利益無量衆生諸惡鬼神諸毒諸病無不能治忍陀羅尼者菩薩摩訶薩智慧力故心樂寂靜不與人居嘿然不語獨處無伴於食知足食一種食坐禪思惟夜不眠寐時佛即以陀羅尼呪

宋彌賓三藏法師求那跋摩等譯

菩薩善戒經卷第七

賢七

云何菩薩摩訶薩陀羅尼陀羅尼有四種一者法陀羅尼二者義陀羅尼三者辭陀羅尼四者忍陀羅尼法陀羅尼諸菩薩心得憶念

助菩提數法餘品第十九